

На Утрени, На Бог Господь

Тропарь, глас 4:

Днесь, благовернии людие, светло прázднуем,/ осеняеми Твоим, Богомати, прише́ствием,/ и к Твоему взирающе пречистому образу, умильно глаго́лем:/ покрый нас честным Твоим Покрówом,/ и избави нас от всякого зла,/ моля́щи Сына Твоего Христа Бога на́шего// спасти души на́ша. **Дважды.**

Слава и ныне: Тойже.

По 1-м стихословии седален, глас 3:

Божественными сиянии ангельских воинств обступаема, и с чинми пророк и апостол, честно службу приемлющи, яко Мати Божия, посети нас Твоих раб, моля́щи Христа Бога нашего, даровати нам велию милость. **Слава, и ныне, тойже.**

По 2-м стихословии седален, глас 6:

Безпомощным крепость, Ты воистинну Пречистая Богомати, отсюда смиреннии Тобою возвышаемся, о Тебе высоце держимся: всем Ты еси покров и к Богу ходатаица. **Слава, и ныне, тойже.**

По полиелеи седален, глас 4:

Яко древняго воистинну пречестнее кивота, Твой пречестный омофор, паче илектра просвещаяся, невещественне, но духовне нетленными Твоими пречистыми руками простираемь, соблюдает милостивно чествующих благоукрашенный праздник Твоего Покрова, Владычице, вонъже сошедшеся усердно празднуем. **Слава, и ныне, тойже.**

На Утрени, начинает первый лик, поя:

1. Велича́ем Тя, / Пресвятая Дéво, / и чтим Покрów Твой святы́й:/ Тя бо виде святы́й Андрей на возду́се,/ за ны Христу́ моля́щуюся.

Ино величание:

2. Велича́ем Тя,/ Пресвятáя Дéво,/ Мáти Христа́, Бога на́шего,/ и всесла́вный сла́вим/ Покрów Твой.

Ино величание:

3. Велича́ем Тя,/ Пресвятáя Дéво,/ Мáти Христа́, Бо́га на́шего,/ Иже к Сыну Сво́й руке простира́ющи, и о ми́ре моля́щися,/ и честным Сво́им омофо́ром защища́ющи/ град и лю́ди от враго́в на́ших.

Таже паки тойже лик поёт псалом избранный, Афонский:

Велий Господь и хвален зело, во граде Бóга нашего, в горе святей Его./ 2. Свят храм Твой, дивен в правде./ 1. Святыня и великолéпие во святиле Его./ 2. Лицú Твоему помóлятся богáтии людстии. / 1. Сынове чело-вечестии в крове крилу Твоею надéяться имут./ 2. Распростре óблaк в по-кров им./ 1. Покрыю и, яко познá имя Моé./ В крове крилу Твоею по-крыеши мя. / 1. Бог в мéсте святем Своём, и в храме Его всякий глаголет славу./ 2. Предстá Царица одесну́ю Тебé./ 1. Призрэ на молитву сми-рénных и не уничижи молéния их. / 2. И молитву их услышит и спасёт я./ За то помóлится к Тебé всяк преподóбный./ Помолíхся лицу Твоему́ всем сердцем моим./ Ты еси́ прибежище от скóрби, обдержáция мя./ Покрый мя от сóнна лукавнующих./ 1. В день зол мо́их покры мя. / 2. Покрыеши мя от враг, озлобляющих мя. / 1. Помяну́ имя Твое́ во всяком роде и роде. / 2. Сего́ рáди лю́дие исповéдятся Тебе в век и в век века./ 1. Слава, и ныне: Аллилу́я: Трижды.

Ин избранный псалом (Псалтирь 1720 г, издания Успенской Святой Киево-Печерской Лавры):

Живый в пóмощи Вы́шняго в крове Бóга Небéснаго водворится. Покрыю его́, яко познá имя Моé. В крове крилу Твоею́ покрыеши. Покрыеши их в крове от пререкáния язык. Сынове чело́вечестии в крове крил твоих на-деются. С ним ёсмь в скóрби, и изму и, и прослáвлю его́, и явлю́ ему спа-сéние Моé.

Степенна: 1-й антифон 4-го гласа.

Прокимен, глас 4: Помяну́ имя Твое/ во всяком роде и роде.

Слава: Молитвами Богородицы:

И ныне, тойже:

Помилуй мя, Боже:

По 50-м псалме стихира, глас 8:

Сра́дуются с нами умная вся чиноначáлия,/ духовно совокупльше чýвственный лик,/ видяще Царицу и Влады́чицу всéх,/ многоимéнно верными слáвиму,/ радуются же и дуси праведных,/ сущии зрителие видéния,/ на воздýсе молебнó простирающу́ всечестней Свои рúце,/ просящи умирения мíру,/ и царем держáвы и утверждéния, // и спасе-ния дýш наших.